

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA

Broj : 07-11-5-9154/21

Bosanska Krupa: 30.12.2021.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), u otvorenom postupku nabavke usluga – usluge čišćenja snijega na području općine Bos. Krupa-zimska služba 2022. godine, na prijedlog Komisije za provođenje postupka javne nabavke, Općinski načelnik kao rukovodilac ugovornog organa, donosi:

ODLUKU

o izboru najpovoljnijeg ponuđača

1. Prihvata se ponuda ponuđača **d.o.o. „KOV-GRAD“ Bužim**, u predmetu nabavke usluga – usluge čišćenja snijega na području općine Bos. Krupa-zimska služba 2022. godine, sa cijenom u ukupnom iznosu od **181.359,36 KM** sa uračunatim PDV-om.
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, ukoliko iste nije dostavio u sastavu ponude.
3. Po konačnosti ove odluke sa izabranim ponuđačem potpisat će se ugovor o vršenju usluga čišćenja snijega na području općine Bos. Krupa-zimska služba 2022. godine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-9152/21 od 3.12.2021. godine. Javna nabavka je provedena putem otvorenog postupka s namjerom provođenja-aukcije– usluge čišćenja snijega na području općine Bos. Krupa - zimska služba 2022. godine. Obavještenje o nabavci broj: 1272-1-2-137-106/21 od 3.12.2021. godine - objavljeno na portalu JN (TD preuzelo ukupno 9 ponuđača) i u „Službenom glasniku BiH“, broj: 75/21 od 10.12.2021. godine

Po objavljenom obavještenju rok za prijem ponuda je bio 24.12.2021. godine do 12,00 sati. Do označenog roka za prijem ponuda na protokol Ugovornog organa pristigle su ukupno dvije ponude, a što je vidljivo iz tabelarnog pregleda dostavljenog od strane službenika koji radi na protokolu ugovornog organa:

1. **d.o.o. „KOV-GRAD“ Bužim**, broj protokola: 07-11-5-9154-2/21, 24.12.2021. godina u 11:08 sati
2. **d.o.o. „I-SELIMOVIĆ“ Cazin**, broj protokola: 07-11-5-9154-3/21, 24.12.2021. godina u 11:50 sati

Komisija za provođenje postupka javne nabavke je u skladu sa tenderskom dokumentacijom dana 24.12.2021. godine u 12,30 sati izvršila javno otvaranje ponuda i na zapisnik konstatovala:

1. **Ponuđač d.o.o. „KOV-GRAD“ Bužim**, dostavljena ponuda (original i kopija) uredno zapakovana i bez vidnih oštećenja, ponudio je:

cijena ponude:	155.319,30 KM bez PDV,
PDV	26.404,28 KM
ukupna cijena ponude:	181.723,58 KM sa PDV- om,

Nema popusta

2. **Ponuđač d.o.o. „I-SELIMOVIĆ“ Cazin**, dostavljena ponuda (original i kopija) uredno zapakovana i bez vidnih oštećenja, ponudio je:

cijena ponude: **303.776,00 KM bez PDV,**
PDV **51.641,92 KM**
ukupna cijena ponude: **355.417,92 KM sa PDV- om,**
Nema popusta

Komisija za provođenje postupka javne nabavke je izvršila evaluaciju ponude i dostavljenje dokumentacije, izvršila računsku provjeru dostavljenih ponuda i utvrdila da su ponude ponuđača **d.o.o „KOV-GRAD“ Bužim i d.o.o. „I-SELIMOVIĆ“ Cazin** potpune, ispravne u formalno-pravnom smislu (ponuđači su dostavili ponudu u skladu sa tenderskom dokumentacijom, ispunili uslove za učešće, dostavili potrebne dokaze) i da računskih grešaka nije bilo.

S obzirom na navedeno Komisija je predložila ugovornom organu da zakaže e-aukciju sa kvalifikovanim ponuđačima, i to: **d.o.o „KOV-GRAD“ Bužim i d.o.o. „I-SELIMOVIĆ“ Cazin**, u skladu s Pravilnikom o uslovima i načinu korištenja e-aukcije (“Službeni glasnik BiH” broj 66/16 od 06.09.2016 godine).

Provođenje e-aukcije je zakazano za dan 29.12.2021. godine u 13:30: h i ista je trajala od 13:30 h do 13:45 h. Na osnovu izvještaja o toku i završetku e-aukcije utvrđeno je da je konačna rang lista ponuđača sljedeća:

1. **d.o.o „KOV-GRAD“ Bužim** konačna cijena ponude iznosi **155.008,00 KM bez PDV-a**, pa ukupna cijena ponude iznosi **181.359,36 KM sa PDV-om**, (početna cijena ponude umanjena za 0,2%);
2. **d.o.o. „I-SELIMOVIĆ“ Cazin** konačna cijena ponude iznosi **155.163,99 KM bez PDV-a**, pa ukupna cijena ponude iznosi **181.541,86 KM sa PDV-om**, (početna cijena ponude umanjena za 48,92%).

Komisija je na zapisnik konstatovala da je procjenjena vrijednost predmetne nabavke: Nabavka usluga-usluge čišćenja snijega na području općine Bosanska Krupa- zimska služba za 2022. godinu – **cijena bez PDV iznosi 155.319,30 KM odnosno cijena sa PDV-om iznosi 181.723,58 KM.**

Nakon uspješno završene e-aukcije sa kvalifikovanim ponuđačima, a s obzirom da je kriterij za dodjelu Ugovora „najniža cijena tehnički zadovoljavajuće ponude“, da je cijena prvorangirane ponude u okviru procjenjene vrijednosti predmetne nabavke, Komisija za provođenje postupka javne nabavke je predložila Ugovornom organu da donese Odluku o izboru najpovoljnijeg ponuđača, i to prvorangiranog ponuđača **d.o.o „KOV-GRAD“ Bužim** i zaključi Ugovor.

S obzirom da je kriterij za dodjelu Ugovora „najniža cijena tehnički zadovoljavajuće ponude“, da je ponuda prvorangiranog ponuđača **d.o.o „KOV-GRAD“ Bužim**, u okviru procjenjene vrijednosti predmetne nabavke, Ugovorni organ je prihvatio prijedlog Komisije pa je odlučeno je kao u dispozitivu Odluke.

Pouka o pravnom lijeku

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Ugovornom organu u pisanoj formi direktno ili putem pošte u dovoljnom broju primjeraka, a koji ne može biti manje od tri.

Obradivač:
Selma Bužimkić, dipl. pravnik

OPĆINSKI NAČELNIK

Armin Halitović, dipl. ecc

Dostavljeno:

1. d.o.o „KOV-GRAD“ Bužim, putem e-maila
2. d.o.o. „I-SELIMOVIĆ“ Cazin, putem e-maila
3. U spis
4. a/a